

Aningaasaliisunut aningaasalersuisunullu qularnaveeqqusiinermut aningaasaateqarfik pillugu inatsisip allanngortinneqarnerata Kalaallit Nunaannut atuutilernissaa pillugu aaqqiisummut Namminersorlutik Oqartussat oqaaseqaatissaat pillugu Inatsisartunut aalajangiiffigisassatut siunnersuut.

Saqqummiussissut
(Inuussutissarsiornermut Aatsitassanullu Naalakkersuisoq)

Siullermeerneqarnera

Siunnersuut manna Inatsisartut aalajangiiffigisassaattut siunnersuummut oqaluuserisassani immikkoortoq 115-imi suliarineqartumut atalluinnartutut isigineqassaaq, tassani siullermeerinninnermi aningaasarsiornikkut patajaassuseq pillugu inatsisip allannguutaata Kalaallit Nunaannut atuutsinneqalernissaa Inatsisartut taperserpaat.

Peqqussummi matumani, aningaasaliisut aningaasalersuisullu qularnaveeqqusiiffiginissaannut aningaasaateqarfik pillugu inatsisip allannguuteqartinneqarnissaa pillugu inatsimmi nr. 619, 14. juni 2011-imeersumi § 1 malillugu allannguutaasut pineqarput.

Oqaluuserisassani immikkoortoq 115 aammalu oqaluuserisassani immikkoortoq 44 matumani pineqartoq, suliniutinut arlaliusunut aningaasalersuinermut suliassa qarfirmi patajaassutsimik qularnaarisussanut ilaapput.

Aningaasalersuinermut suliassa qarfirmut killissaliussat ataatsimoorussat naalagaaffeqatigiinnermi aamma atuuttut avataanni inissisimannginnissarput, Kalaallit Nunaata aningaasanik taarsigassarsitinnissamut tatiginassuseqarneranik naliliisarnermut tunngaviumik pingaaruteqarluinnarpoq.

Taamaattumik aningaasaliisut aningaasalersuisullu qularnaveeqqusiiffiginissaannut aningaasaateqarfik pillugu inatsisip allannguuteqartinneqarnera pillugu inatsisip Kalaallit Nunaannut atuutilersinneqarnera pillugu peqqusutip atuutsilersinnaanissaa Naalakkersuisut pingaartippaat.